

№ 58  
(410)  
1940 ары  
10 августэ  
Дуныз 5 коп.

# ГОРД ЗНАМЯ

6 арзэ потэ  
АДРЕСЭЗ: Пудем село,  
Удмуртской АССР

ВКП(б)-лэн Пудемской райкомезлэн но Райсоветлэн Исполкомезлэн органзы

1940 арын Всесоюзной сельскохозяйственной выставкалы дасясконлэн итог'ёсыз но 1941 арылы задачаос сярись Удмуртской АССР-лэн Народной Комиссар'ёсызлэн Советсылэн но ВКП(б)-лэн Обкомезлэн бюроезлэн 1940 арын 26 июле

## ПОСТАНОВЛЕНИЗЫ

Народной Комиссар'ёслэн Советсы но ВКП(б) Обкомлэн бюроез лус'ё, что сыче район'ёсын чош ик, кычеем луо Кезской, Ижевской, Воткинской, Сарапульской район'ёс, куд'ёсыз 1940 арын Всесоюзной сельскохозяйственной выставкалэн участник'ёсызлэсь лыдзэс, 1939 арын чошатыса, ог кык поллы будэтйзы, вань на сыче район'ёс но, кычеем луо Глазовской, Старо-Зятцинской, Селтинской, Якшур-Бодьинской, Завьяловской, Алнашской, Каракулинской район'ёс, куд'ёсыз 1940 арын Всесоюзной сельхозвыставкалэн участник'ёсызлэсь лыдзэс 1939 арын сярись 2—3 поллы кулэстйзы. Нош ог'я вераса, 1940 арын Всесоюзной сельхозвыставкалэн участник'ёсызлэн лыдзы 741 луэ, нош 1939 арын 792 вал.

Завьяловской район'я 1940 арын 41 участник'ёслэн лыдзы пöлын öвöл одйг колхоз но, колхозной товарной ферма но, колхоз'ёсысь азымынсьёс но, нош выставкалэн участник'ёсыныз луо совхозлэн но МТС-ёслэн ужасьёсы гинэ. Со Завьяловской райзолэсь урод ужом.э возматэ.

Всесоюзной сельскохозяйственной выставкае участник'ёсты вис'ян'я азывил сямен ик ляб ужало Понинской, Карсвайской, Юкаменской, Красногорской, Больше-Учинской, Кизнерской, Киясовской, Шарканской но Глазовской район'ёс.

ВКП(б) Обкомлэн бюроез но Народной Комиссар'ёслэн Советсы таин чош ик лус'ё, что Наркомзем (Титов эш) нимыстыз ответственностьтэк ортчйтйз колхоз'ёсты, куд'ёсыз „Колхоз'ёсын общественной пудоез будэтон ужрад'ёс сярись“ постановления быдэстйзы пудо йырлыды тупатэм минимумзэс, ВСХВ-лэн участник'ёсызлы кандидат'ёсын вис'яны, соин сэрэн та показател'ёс'я республикамы ваньмыз б колхоз'ёс гинэ юнматэмын.

Лыдэ бастыса сое, что туэ тулыс ю кизён кампания азинлыко ортчйтэмын но урожай умой луэмын, мар сётэ луонлык колхоз'ёс, совхоз'ёс, МТС-ёс но сельской хозяй-

стволэн азымынсьёсыз понна 1941 арын Всесоюзной сельскохозяйственной выставкаын массово участвовать карыны право.

Народной Комиссар'ёслэн Советсы но ВКП(б) Обкомлэн бюроез пукто:

1. ВКП(б)-лэн райком'ёсызлы но Райсовет'ёслэн исполком'ёсылы уж вылын вöлмытыны кулэ социалистической соревнованиез район'ёс, МТС-ёс, колхоз'ёс, совхоз'ёс, пудо вордон фермаос, колхозник'ёс, МТС-ёслэн но совхоз'ёслэн ужасьёсы кустын 1941 арын Всесоюзной сельхозвыставкаын участвовать карыны право бастон но ВСХВ-лэн участник'ёсыз понна Главвыставкомен тупатэм показател'ёсты мултэсэн быдэс'ян понна.

2. Сельской хозяйстволэн ужасьёсыз пöлын валэ'яно Главвыставкомен тупатэм показател'ёсты но сельхозвыставкаез 1941 арын но продолжить карон сярись правительстволэсь постановлениез, соосты мобилизовать карыса вань сельскохозяйственной уж'ёсты дыраз быдэс'янэ, туэ арлы тупатэм вань государственной обязательствоосты быдэсак но дырылзэсь азыло быдэс'янэ но орчем ар'ёсын пэставкаос'я недоимкаосты быдэтыны, пудо вордон фермаосты укомплектовать каронэ, пудо вордонлэсь трэс продукцияз бастонлы, пудолэсь йырлыдзэ утялтонлы, пудолы толалтэ азелы шунит но югыт гид'ёс кылдытонлы, пудоез вань кулэ луись пудо сионэн обеспечить каронлы.

3. Наркомземлы но районной но республиканской газет'ёслэн редактор'ёсылы одно ик организовать кароно ВСХВ-лэн экскурсант'ёсызлэсь сельхозвыставкаысь адзём'ёсы сярись колхозник'ёслэн обшой собраниосазы отчетсэс, сое районной но республиканской печать вамен возматэса.

4. 1941 арын сельхозвыставкае экспонат'ёсты кельтонлы Выставкомен но Наркомземен тупатэм планэз юнматэно.

5. 1941 арын Всесоюзной сельхозвыставкае кандидат'ёслы материал'ёсты жоген да-

сян вылысь райком'ёслы но трудящойёслэн депутат'ёсыслэн райсовет'ёсыслэн исполком'ёсылы косоно жегатскытэк кутскыны колхоз'ёсты, совхоз'ёсты, МТС-ёсты но сельской хозяйстволэсь азымынсьёсэс быр'ён борды, куд'ёсыз быгатозы 1941 арын сельхозвыставкалэн участник'ёсынызы луыны но Главвыставкомен тупатэм показател'ёсты мултэсэн быдэс'ян ужын соослы вискарытэк юрттылоно.

6. ВЛКСМ-лэн Обкомезлы но Удмуртской АССР-лэн Наркомпросэзлы конкретной ужрад'ёс пус'ёно школаослэн, детской технической станциослэн, пионерской отряд'ёслэн но нимаз-нимаз юнат'ёслэн 1941 арын сельхозвыставкаын участвовать каронзылы.

7. Обком но Совнарком предупредить каро ВКП(б)-лэсь райком'ёсэс но райсовет'ёслэсь исполком'ёсэс, что ортчйтйськись сельскохозяйственной уж'ёслэн зечлыксы сярись мертг'ёс пöлысь одйгеныз луозы 1941 арын Всесоюзной сельскохозяйственной выставкае участикен юнматэм лыд'ёс.

Удмуртской АССР-лэн Совнаркомез, ВКП(б)-лэн Обкомез вань колхозник'ёслэсь, совхоз'ёслэн но МТС-ёслэн ужасьёсылэсь, сельской хозяйстволэн организатор'ёсызлэсь, вань партийной, советской но земельной орган'ёслэсь саклыкэс вис'яло солы, что Всесоюзной сельскохозяйственной выставкалэн участник'ёсыз понна культураослэн удалтонлыксыя но пудо вордонлэн продуктивностез'я тупатэм показател'ёслэсь уровеньзэс вань колхоз'ёсын но совхоз'ёсын быдэстэм вамен не только быдэстэмын луоз, но озыы ик мултэсэн быдэстэмын луоз куиньметй пятилеткалэн сельской хозяйствоя планэз.

Удмуртской АССР-лэн Народной Комиссар'ёсызлэн Советсылэн Председателэз А. Тронин. ВКП(б)-лэн Удмуртской Обкомезлэн Секретарез А. Караваев.



Н-ской подводной лодкаысь (Северный флот) боевой но политической подготовкалэн отличникез В. С. Федотов, Красной Звезда орденэн наградить каремын.

### Нормазэс мултэсэн быдэс'яло

Баяранской сельсоветысь, „Красный октябрь“ колхозысь Анна Григорьевна Королева, Зоя Егоровна Ельцова но Любовь Тимофеевна Потапова колхозницаос культу керттылонын ужало. Соос нормазэс 130-160 процентлы быдэс'яло.

Та колхозысь ик машинист Владыкин эш кугаськонын нормазэ мултэсэн быдэс'я. Нуналаз 25 центнер конной кутсаськон машинаен кутсано ке, берло нунал'ёсы со 45-46 центнер кутсаны кутскиз. В.

### Зег аранлэн, етйн ишконлэн но зег кизенлэн мынэмез сярись Райзолэн 7-тй августлы СВОДКАЕЗ

(процентэн вераса)

Сельсовет'ёс	Зег арамын	етйн ишкемын	Зег киземины
Пудемской	60	47	59
Чабыровской	41	48	35
Баяранской	45	51	33
Люмской	48	63	27
Горбашевской	49	88	30
Лековаевской	28	60	30
Бозинской	38	67	38
Костромской	55	70	37
Еловской	60	58	50
Ваньмыз	45,1	61,3	35,4

1-тй августэ Кремльын СССР-лэн Верховной Советэзлэн заседаниос ортчыг'ян залаз СССР-лэн Верховной Советэзлэн Сйзыметй Сессиез усьтйськыз.

Союзлэн Советэзлэн но Национальностёслэн Советсылэн огазын заседанызы.



Эстонской Государственной Думалэн делегациез заседание ортчыг'ян залын.

## Ю тысьсэс государствовлы сётыны кутскизы

Районысьтымы азьмынйсь колхоз'ёс выль урожайлэсь государствовлы ю-нянь сётыны кутскизы. Еловской сельсоветысь, „Быково“ колхоз 8 августлы 8 центнер заготзерное зег сётйз ни. Кировлэн нимыныз нимама колхоз 13 центнер. Та нуналэ ик выль зегез государствовлы сётыны понна Ярославской „Заготзерное“ Горькийлэн нимыныз нимама но „Красный октябрь“ колхоз'ёс нуизы.

Вуж зегзэс государствовлы сётйзы Люмской сельсоветысь, „Большевик“ колхоз 28 центнер, „Золотая Нива“ — 26,5 центнер, Баяранской сельсоветысь „Юскоиль“ колхоз 21 центнер. Та нунал'ёсы ик районысьтымы куд-ог мукет'ёсыз но колхоз'ёс государствовлы ю сётыны кутскизы ни. Е.

## Чошатскыса ужало

Костромской сельсоветысь, „Костромка“ колхозысь Анастасия Алексеевна Трефилова, Таисия Андреевна Герасимова но Матрена Василиевна Семакина колхозницаос етйн ишконын куспазы чошатскыса ужало. Озыы ужаса соос нормазэс нуналлы быдэ мултэсэн быдэсьяло. Нимаз-нимаз вераса С. А. Герасимова эш нормая 0,10 га интые, 0,15 га ишке, А. А. Трефилова—0,14 га но М. В. Семакина — 0,13 га.

„Победа“ колхозлэн (Лаишевский район, Татарской АССР) 2 чырыгась бригадаосыз вань, куд'ёсыз бадзым доход сёто колхозлы.



Чорыгасьёс стахановец'ёс Б. Малыгин (бур палаз) но Е. Кочкарев сөг'ёссэс тупат'яло.

## Шонертон

7-тй августэ поттэм „Горд Знамя“ газетын „Азыланьын ужан программа“ статьялэн куиньметй абзацаз валантэм интыез вань. Сое лыдзыны кулэ: „Колхозник'ёс нянез колхозник'ёслы авансом люкылыны но внутрикколхозной кулазськонэ быдтыны быгато государствовлы сётэм лыддёлэсь 15 процентсэ.

## Азьмынйсь колхозын

Костромской сельсоветысь Горькийлэн нимыныз нимама колхоз луд уж'ёсты азинлыко быдэсья. 8-тй августэ таос 125,04 га вылэ зег кизыыса быдэстйзы. Вань площадь вылын зег киземын рядовой сеялкаосын гинэ, качествооз солэн умой, та нуналэ ик таос 31,30 гектар вылысь йыды аранзэс но йылпум'язы.

Али основной ужась кужым та колхозын зег аранэ но кутсанэ пунктэмын ни. Вань колхозник'ёс но колхозницаос выль активностен ужало, уж умой организовать каремын. Г. Баженов.

## Умой ужлэн бервыл'ёсыз но синмаськымонэсь

Колхозник'ёс но колхозницаос пёлын умой пунктэм агитационно-массовой уж пёртэмезь уж'ёсын бадзым инты басьтэ. Со мобилизовать каре колхозник'ёсты азыланьын выль азинскон'ёс басьтон понна.

Тани, мон нырысетй арзэке но агитатор луыса ужасько, аслэстым ужме мылыськыдысь быдэсьясько. Колхозник'ёслы но колхозницаослы асме колхозысь ик умой ужась колхозницаослэсь ужан амалзэс тупен-тупен валектйсько. Со сяна газет'ёсысь пичи'ёс гинэ материал'ёсты лыдзилысько. Берло нунал'ёсы нош, тужгес но ВКП(б) ЦК-лэсь но СССР-лэн Совнаркомезлэсь „Октон-калтон сярысь но сельскохозяйственной продукт'ёсты даясн сярысь“ постановленизэс валектыны тыршысько. Тазыы ужамлэн синмаськымонэсь бервыл'ёсыз луо. Луд ужын ужась колхозник'ёс но колхозницаос мултэсэн нормазэс быдэсьяло. Сибере соос пёлын трудовой дисциплина но шёдскымэн умоя.

Агитационно-массовой уж кулэз'я пунктэмын ой валдыр'я, милям колхозамы ойг мург но нормазэс уг быдэсьяло вал, нош али 20 мург стахановец'ёсмы но 30 мург удачник'ёсмы вань ни. Тани Трефилова Елена Федоровна, Ушакова Нина Ивановна, Ившина Наталия Васильевна эш'ёс етйн ишконын

0,12 га интые, 0,24—0,27 га тырмытылйзы. Али соос ваньзы ик культу керттылонын ужало ни. Та ужын но соос ужан нормазэс нуналлы быдэ 120—125 процентлы быдэсьяло.

Колхозын трослы умояз трудовой дисциплина. Колхозник'ёс но колхозницаос, в основном, табере ужан нуналзэс уплотнить карыны тыршыса ужало: чукна 3 часэ мыныса, жытазе 10,5—11 часэ берто, шыдэтсконын дырзэс ичи быдто.

Ужаны азытэм'яськысь колхозник'ёсты но колхозницаосты борд газет пыр критиковать кариськом ке, азыланьын соос мылыськыдысь ужаны кутско. Тани Ушакова Мария Ефимовна туж урэт ужа вал: нуналаз 7—8 час сяна луд вылын өз улылы. Сибере аранын но туж азытэм'яськылыз, честной колхозник'ёслэсь арам культуоссэс лужкаса аслыз б а б к а пунктлыз. Та уж'ёссэ солэсь борд газет пыр возьматйм но, со трослы тупатскыз.

8-тй августлы милям колхоз етйн ишконзэ, йыды аранзэ но зег кизён э йылпум'яз. Табере основной ужась кужым зег аранын пунктэмын луоз. Соин ик агитационно-массовой уезэ эшшо но умой пунктэмын луоно. И та уезэ мон честно но добросовестно быдэсто.

Ф. Трефилов, Горькийлэн нимыныз нимама колхозлэн агитаторез.

## Ужез честно быдэсьясько

Вань уезэ азинлыко быдэсьяны луэ соку, кукке вань колхозник'ёс но колхозницаос азинлыко быдэсьялозы асьсэлэсь обязанностьёссэс. Ужалозы колхозной производствойн честно но добросовестно.

Тани мон октон-калтон кутскем бере ик мылыськыдысь ужаны кутски, ужан нормаосты мултэсэн быдэсьяны тырши. Куспамы ми Елена Федоровна Трефиловаэн чошатскыса ужаськомы.

Тазыы ужамлэн синмаськымонэсь бервыл'ёсыз но луо. Етйн ишконын ми кыкмы ик нормая 0,12 га интые, 0,24 га быдэстылймы. Али нош культу керттылыса ульськомы, кытын нормамес 130-140 процентлы быдэсьяськомы.

Соревноваться кариськоно зшеним ми уезэ тазыы организовать каримы. Чукна ужаны 3 часэ потйськом. Машинаен араны кутскытчозь кивн араськомы, собере 10 час кыгыр машинаен арамез керттылыны кутскыськом. Жытае нош 11 часлэсь азыло кошкемы өвёл. Нуназеосы шудэтскон дыр'ёсты ичигес лэсьтылыса, ужан нуналэз уплотнить карыны тыршыськом, тазыы ужаса мултэсэн нормамес быдэсьяськомы

Н. И. Ушакова, Горькийлэн нимыныз нимама колхоз.

Отв. редактор П. МАЛЫХ